



糞埤

糞埤是纏佇文明國家的黏糊，親像司公仔象柢結相倚按呢，仙剝都袂開，才是忝；閣再講，處理糞埤的步數到今猶無法度十全十美，加減有寡敗害伶欠點的所在。比一个例來講，拖去坵海、埋入去塗跤，攞是積積做一伙徙去目睷看袂著的所在爾爾，糞埤全款原在、牢佇地球的塗跤兜，曷(áh)無走對天頂尾溜去，實在嘛無倞勢；和穢甲規个街仔路，遮一搭、遐一撮散去四箍輾轉，有啥精差咧？

啊若這陣上時行的是共規車的糞埤揀入去焚化爐，放火硬共燒做火焮，敢準是無去的款；毋過，迴過煙筒排出來的是有毒的廢氣，囤佇半空中，予風吹咧走，綴雨霎仔閣沃落來塗跤兜，全款是污染著這塊土地，礙著咱的健康，嘛無啥物較勢的所在。

這站仔較會予人呵咗的是資源回收的工課做甲不止仔澈底，無論官廳、社團、私人攞有人誠認真咧做，特別是拈字紙、歹銅舊錫的人，個是存好心無嫌垃圾才共會用的資源窮(khîng)出來賣錢，一來增加廢物的利用予糞埤減少去，二來閣會當予咱的環境衛生變較清氣，這款善心人士，咱著愛共尊存，共個幫贊。基層的縣市政府恰公所嘛攞有咧做拈潘、收糞的工課，攢免錢的桶仔予家家戶戶，鼓吹眾人逐工拈，派專人咧回收，向望這項工課做會順序、久長，樓跤樓頂、厝邊頭尾做予慣勢，正經是好心好行(hîng)、功德無量。現此時的科技，無法度做到攞無糞埤的境界，毋過欲按怎設法減量是逐个拍拈的目標，按呢咱的環境才有醫，生活品質自然提懸，囤孫序細有較好的日子通過。

作者：藍春瑞

☆詞彙學習☆

- | | |
|--|-----------------------|
| 【糞埤】pùn-sò：垃圾 | 【坵海】thūn hái：填海 |
| 【黏糊】liâm-thi：很黏很難纏的意思 | 【穢】uè：弄髒 |
| 【司公仔象柢】sai-kong-á sîn-pue：原意是道士和杯筊，表示形影不離的朋友 | 【精差】tsing-tsha：差別 |
| 【仙剝】sian pak：叫神仙來剝 | 【火焮】hué-hu：燃燒後的灰燼 |
| 【忝】thiám：嚴重、疲倦 | 【雨霎仔】hōo-sap-á：毛毛雨 |
| 【欠點】khiam-tiám：缺點 | 【垃圾】lah-sap：骯髒 |
| | 【拈潘】khioh-phun：收取廚餘餿水 |
| | 【糞】pùn：可以堆肥的廢棄物 |

☆文法學習☆

- 【一來……二來……】it--lâi.....jī--lâi.....：列述原因時的說法。此處的「一、二」字讀「本調」，「來」字要讀輕聲。